

Республикада шетел тілдерін оқып-үйренуді жақсарту жөніндегі қосымша шаралар туралы

Қазақстан Республикасы Үкіметінің Қаулысы 1996 жылғы 4 желтоқсан N 1479

1996 жылғы 27 маусымдағы Әкімдердің республикалық кеңесінде айтылған ұсыныстар мен ескертпелерді жүзеге асыру жөніндегі шаралар жоспарына сәйкес ағылшын және басқа да шетел тілдерін оқыту бойынша жүргізіліп жатқан шаралардың тиімділігін арттыру мақсатында Қазақстан Республикасының Үкіметі қаулы етеді:

1. Ағылшын және басқа да шетел тілдерін оқыту жөніндегі ұсынылып отырған шаралар жоспары бекітілсін.
2. Қазақстан Республикасының министрліктері, мемлекеттік комитеттері, өзге де орталық атқарушы органдары, облыстардың республикалық маңызы бар қалалар мен астаналардың әкімдері 1997 жылғы 1 қаңтардан бастап барлық санаттағы қызметкерлер арасында ағылшын және басқа да шетел тілдерін оқып-үйрену жөніндегі тұрақты жұмыс істейтін курстар ұйымдастыру жөнінде шаралар қолдансын.
3. Қазақстан Республикасының Білім министрлігі шетел тілдерін оқытудың ғылыми-әдістемелік орталығын ұйымдастырсын.
Орталық:
уақыт талабына және халықтың барлық жігінің сұранысын қанағаттандыруға сәйкес келетін сөздіктер, тілашарлар, шетел тілдерін жеделдетіп оқып-үйрену жөніндегі құралдарды, жаңа бағдарламаларды әзірлеуді жүзеге асыруға;
шетел тілдерін оқыту әдістемесіндегі жетістіктерді: оқытудың жаңа модельдері мен технологияларын насихаттауға қызмет етеді деп белгіленсін.
4. Қазақстан Республикасының Ғылым министрлігі - Ғылым академиясы шетел тілдерін оқытудың көкейкесті мәселелері бойынша мақсатты зерттеулер ұйымдастыруды қамтамасыз етсін.
5. Қазақстан Республикасының Білім министрлігі Баспасөз және бұқаралық ақпарат істері жөніндегі ұлттық агенттікпен келісім бойынша республика халқына ағылшын және басқа да шетел тілдерін жаппай оқытып-үйрету жөнінде арнайы хабарлар ұйымдастырсын.
6. Қазақстан Республикасының Білім министрлігі мүдделі

министрліктермен, ведомстволармен, ұйымдармен, орталық және атқарушы органдармен бірлесе отырып Ағылшын және басқа да шетел тілдерін оқыту жөніндегі шаралар жоспарын жүзеге асыруды қамтамасыз етсін.

Қазақстан Республикасының
Премьер-Министрі

Қазақстан Республикасы
Үкіметінің
1996 жылғы 4 желтоқсандағы
N 1479 қаулысымен
бекітілген

Ағылшын және басқа да шетел тілдерін оқыту
жөніндегі шаралар жоспары

N р/с	Мазмұны жауаптылар	Орындауға мерзімдері	Орындалу
1	2	3	4
1.	Қазақ мемлекеттік әлем тілдері университетінің жанынан шетел тілдерін оқытудың ғылыми-әдістемелік орталығын ұйымдастыру	Қазақстан Республикасының Біліммині	1996/97 оқу жылы
2.	Республика оқу орындары базасында халықтың ересектер бөлігі арасында ағылшын және басқа да шетел тілдерін үйрету жөніндегі курстар ұйымдастыру	Облыстар әкімдері, Қазақстан Республикасының Біліммині	1996 жылдың ІҮ тоқсаны
3.	Барлық үлгідегі оқу орындары үшін шетел тілдері бойынша сөздіктер, оқу-әдістемелік әдебиеттер шығарудың жоспарын әзірлеу және жүзеге асыру	Қазақстан Республикасының Біліммині,Баспасөз және бұқаралық ақпарат істері жөніндегі ұлттық агенттігі (келісім бойынша)	1996-97 оқу жылы
4.	Халықтың ересектер бөлігі арасында ағылшын тілін жеделдете және тереңдете	Қазақстан Республикасының Біліммині	1997 жыл

үйретудің бағдарламасын
әзірлеу

5. Оқулықтардың жаңа буынын жасау жөнінде ғалымдардың, жаңашыл-педагогтардың қатарынан шығармашылық ұйымдар ұйымдастыру Бұл да сол 1996/97 оқу жылы
6. "Қазақстан мектептеріндегі шетел тілдері" оқу-әдістемелік журналын басып шығаруды ұйымдастыру Бұл да сол 1997 жыл
7. Гимназиялардың, лицейлердің оқушыларын, студенттерді, оқытушыларды Англияға, Германияға, Францияға тіл тағылымдамасына жіберу Бұл да сол тұрақты түрде
8. Ағылшын және неміс тілдері бойынша жоғары оқу арасында олимпиада өткізу Бұл да сол 1996/97 оқу жылы